

Colegio San Agustin a cuminsa duna les den edificio cu falta ventilacion

ORANJESTAD - Situacion financiero no ta mucho bon na Aruba p'esey mester haci miho uzo di locual cu tin, asina directora di Colegio San Agustin a bisa. E scol a habri bek awe den e edificio di Prinses Christina school aunke cu esaki no ta e localidad ideal.

Scol ta habri pa alumnonan di Colegio San Agustin mientras cu ainda falta drecha e ventilacion, Siguridad di e lokaal di computer, borchí pa algun lokaal y tin problema cierto parti cu e dak, asina sra. Aquanette Gunn funcionario di sosten pa educacion di Stichting Katholiek Onderwijs Aruba (Skoa) a bisa Bon Dia Aruba.



e dak ta halto e biento no ta circula tampoco, sra Gunn a bisa cu esey e por a compromete for di e directora.

“Pa haci cambio na e sistema di coriente e lo costa rond di 20 mil florin”, cual Skoa

no tin pa inverti, segun sra. Gunn.

E directora a opta pa cuminsa cu scol manera a wordo planifica, esta awe pa motibo cu locual cu falta pa por cuminsa duna les no ta stroba e proceso di les, por ehempel e kantoor di e director tampoco ta cla. E ta dificil y fastioso pa pospone e fecha cu scol ta cuminsa como cu e studiantenan den klas di examen tin un planificacion cu nan mester sigui di preparacion, si cuminsa laat esaki por afecta nan. Ya pa algun aña Colegio San Agustin tin e resultadonan di mas halto di graduadonan, esaki ta refleha cu aunke e edificio cu e studiantenan ta haya les aden no ta esun di nan escogencia, e no ta afecta e resultado ni e calidad di enseñansa, asina e directora a bisa durante un conferencia. □



Skoa mester haya un miho bista ainda di e situacion aki y ‘pesey durante e siman aki lo bishita e scol pa haya un bista di e situacion cu e studiantenan y e maestro ta aden. Cada docente di e diferente vaknan lo tin e oportunidad tambe pa informa Skoa di e situacion.

Bon Dia Aruba a puntra sra. Gunn con e situacion di e

ventilacion a wordo resolve mirando bek cu e director di Colegio San Agustin a bisa cu e edificio su coriente no tin e capacidad pa carga aircó. Sra. Gunn a bisa esey ainda ta keda un preocupacion. Como cu e scol ta situa memey di dos otro edificio no tin circulacion di biento. “algun lokaal lo por carga aircó pero asina mes no por pone mucho presion”. Otro klasnan tin e vannan di dak, pero como cu

